

大乘顯識經卷下

雜四

中天竺國沙門地婆訥等奉勅譯

爾時會中有月實勝土童真從座而起合掌  
白佛言世尊云何見色因云何見欲因云何  
見見因云何見戒取因佛告月實智見智境  
雜四  
愚見愚境智者見諸殊麗美色了知穢惡唯  
是肉段筋骨膿血大脉小脉大腸小腸臘液  
腦膜腎心脾膽肝肺肚胃生藏熟藏黃痰涕  
唾髮鬚毛爪大小便利薄皮裹之不淨汙露  
可畏可惡凡所有色皆四大生是爲色因月

實如父母生身身之堅軟爲地大流潤爲水  
大暖熱爲火大飄動爲風大有所覺知念及  
聲香味觸等界斯皆爲識月實童真復白佛  
言世尊將死之時云何識捨於身云何識遷  
於身云何識知今捨此身佛告月實衆生隨  
業獲報識流相續持身不絕期畢報終識棄  
捨身隨業遷受譬言如水乳和煎以火熱力乳  
水及膿各各分散如是月實衆生命盡以業  
力故形骸與識及諸入界各各分散識爲所  
依以取法界及法界念并善惡業遷受他報

月實譬言如大吉善蘇以衆良藥味力熟功和合爲之大吉善蘇棄凡蘇性持良藥力辛苦酸鹹澀甘六味以資人身便與人身作色香味識棄此身持善惡業及法界等遷受餘報亦復如是月實蘇質如身諸藥和合爲大吉善如諸法諸根和合爲業衆藥味觸資成於蘇如業資識服大吉善悅澤充盛光色美好安隱無患如善資識獲諸樂報服蘇違法頰容變惡慘無血氣色死土白如惡資識獲諸苦報月實吉善寶蘇無手足眼能取良藥色

香味力識亦如是取法界受及諸善業棄此身界受於中陰得天妙念見六欲天十六地獄見已之身手足端嚴諸根麗美見所棄屍云此是我前生之身復見高勝妙相天宮種種莊嚴華果卉木藤蔓蒙覆光明赫麗如新鍊金衆寶鉅飾彼見此已心大歡喜因大喜愛識便託之此善業人捨身受身安樂無苦推四二如乘馬者棄一乘一譬如壯士武略備具見敵兵至著堅甲冑乘策驥駿所去無畏識資善根棄出入息捨界入身遷受勝樂亦復如

是自梵身天爰至有頂生於其中爾時會中大藥王子從座而起合掌白佛言世尊識捨於身作何色像佛言善哉善哉大藥汝今所問是大甚深佛之境界唯除如來更無能了於是賢護勝上童真白佛言大藥王子所問甚深其智微妙敏利明決佛告賢護此大藥王子已於毗婆尸佛所植諸善根曾於五百生中生外道家爲外道時常思識義識者云何云何爲識於五百生不能決了識之去來莫知由緒我於今日爲破疑網令得開解於

是賢護勝上童真謂大藥王子言善哉善哉仁今所問微妙甚深月實之間其義淺狹猶如嬰兒心遊境外而不知內正法希聞諸佛難遇佛圓廣智無測深慧至妙之理應專啓請時大藥王子見佛熙怡顏容舒悅如秋蓮開踊躍歡喜一心合掌而白佛言世尊我愛三<sub>華四</sub>深法渴仰深法常恐如來入般涅槃不聞正法而於五濁衆生之中愚無所知不識善惡於善不善熟與不熟不能覺了迷惑輪轉生死苦趣佛告大藥王子如來正法難遇難得

我於往昔爲半伽他登山自墜棄捨身命爲求正法經歷無量百千萬億種種苦難大藥汝所慾望皆恣汝問我當爲汝分別解說大藥王子白佛言唯然奉教世尊識相云何願垂開示佛告大藥如人影像現之於水此像不可執持非有無辯如芻洛迦形如渴愛像大藥王子白佛言世尊云何渴愛佛言如人對可意色眼根趣之名爲渴愛猶持明鏡視已面像若去於鏡面像不見識之遷運亦復如是善惡業形與識色像皆不可見如生盲

人日出日沒晝夜明闇皆悉不知識莫能見亦復如是身中渴愛受想與念皆不可見身之諸大諸入諸陰彼皆是識諸有色體眼耳鼻舌及身色聲香味觸等并無色體受苦樂心皆亦是識大藥如人舌得食物知甜苦辛酸鹹澀等六味皆辯舌與食物俱有形色而味無形又因身骨髓肉血覺知諸受骨等有形受無形色知識福非福果亦復如是時賢護勝上童真禮佛雙足白佛言世尊此識可知福非福耶佛言善聽非未見諦而能見識

識不可視非如掌中阿摩勒果識不在於眼等之中若識在於眼等之中剖破眼等應當見識賢護恒沙諸佛見識無色我亦如是見識無色識非凡愚之所能見但以譬喻而開顯耳賢護欲知識之罪福汝今當聽譬如有人爲諸天神或乾闥婆等及塞建陀等鬼神所著賢護於意云何其爲天等鬼神所著其著之體求於身中可得見不賢護白佛言不也世尊天等鬼神所著其著之體無色無形身内外求皆不可見賢護其爲福勝諸大天

第4  
神之所著者即須好香華燒衆名香香美飲食清淨安置祭解供具咸須華潔如是此識爲福資者便獲尊貴安樂之果或爲人王或爲輔相或豪望貴重或財富自在或爲諸長或作大商主或得天身受天勝果由識爲福資身獲樂報如彼福勝天神所著得勝妙華香美飲食便即歡喜病者安隱今得尊貴豪富自在當知皆是由福資識身獲樂果賢護其爲富單那等下惡鬼神之所著者便愛糞垢腐敗涕唾諸不淨物以此祭解歡喜病

愈其人以鬼神力隨鬼神欲愛樂不淨臭汙糞穢識以罪資亦復如是或生貧窮或生餓鬼及諸食穢畜生之中種種惡趣由罪資識身獲苦果賢護勝上天神其著之體無質無形而受種種香潔供養識福無形受勝樂報推四五亦復如是富單那等下惡鬼神爲彼著者便受不淨穢惡飲食識資罪業獲諸苦報亦復如是賢護當知識無形質如天等鬼神所著之體供具飲食所獲好惡如資罪福得苦樂報大藥王子白佛言世尊云何見欲因佛言

大藥互因生欲猶如鑽燧兩木互因加之人功而有火生如是因識及因男女色聲香味觸等而有欲生譬如因華生果華中無果果生華滅如是因身顯識循身求識識不可見識業果生身便謝滅身骨髓等不淨諸物咸悉銷散又如種子持將來果味色香觸遷植而生識棄此身持善惡業受想作意受來生報亦復如是又如男女愛欲歡會分離而去識身和合戀結愛著味玩貪慾報盡分離隨業受報父母因緣中陰對之以業力生識獲

身果愛情及業俱無形質欲色相因而生於欲是爲欲因大藥云何見戒取因戒謂師所制戒不殺不盜不邪淫不妄語不飲酒等行取謂執取是戒作如是見因是持戒當得須陀洹果斯陀含果阿那含果以是因故獲於勝有謂受人天等身斯皆是有漏善非無漏善無漏之善無陰熟果今此戒取是有漏種植之於識執善惡業識不淳淨煩惱因故受熱惱苦是爲見戒取因大藥白佛言云何識取天身乃至取地獄身佛言大藥識與法界

持微妙視非肉眼所依以爲見因此微妙視與福境合見於天宮欲樂嬉戲見已歡喜識便繫著作如是念我當往彼染愛戀念而爲有因見已故身臥棄屍所作如是念此屍是我大善知識由其積集諸善業故令我今者獲於天報大藥推四白佛言世尊此識於屍既有愛重何不託止佛言大藥譬\*如剪棄鬚髮雖見烏光香澤寧可更植於身令重生不大藥白佛言不也世尊已棄鬚髮不可重植於身令其更生佛言如是大藥已棄之屍識亦不

可重託受報大藥復白佛言世尊此識冥漠玄微無質可取無狀可尋云何能持象等大身衆生縱身堅固猶若金剛而能貫入壯夫之身力敵九象而能持之佛言大藥譬如風大無質無形止於幽谷或窓隙中其出暴猛或摧倒須彌碎爲塵粉大藥須彌風大色相云何大藥白佛言風大微妙無質無形佛言大藥風大微妙無質無形識亦如是妙無形質大身小身咸悉能持或受蚊身或受象身譬如明燈其焰微妙置之於室隨室大小衆

闇咸除識亦如是隨諸業因任持大小大藥白佛言世尊諸業相性彼復云何以何因緣而得顯現佛言大藥生諸天宮食天妙饌安寧快樂斯皆業果之所致也如人渴乏巡遊曠野一得清涼美水一無所得受渴乏苦得冷水者無人持與受渴乏者亦無遮障不許與水各以業因受苦樂報大藥應當以是見善惡業如空中月白黑二分又如生果由火大增熟便色異如是此身由福增故生勝族家資產豐盈金寶溢滿勝相顯盛或生諸天推四七

宮快樂自在斯皆善業福相顯現譬如種子植之於地果現樹首然其種子不從枝入枝而至樹首剖析樹身亦不見子無人持子置於枝上樹成根固求種不見如是諸善惡業咸依於身求之於身亦不見業如因種有華種中無華因華有果華中無果華果增進增進不見因身有業因業有身身中無業業中無身亦復如是如華熟落其果乃現身熟謝殞業果方出如有種子華果之因具有如是有身善惡業因備在彼業無形亦無熟相如

人身影無質無礙不可執持不繫著人進止往來隨人運動亦不見影從身而出業身亦爾有身有業而不見業繫著於身亦不離身而能有業如辛苦澀殊味諸藥能滌淨身除一切病令身充悅顏色光澤人見之者知服良藥藥味可取熟功無形視不可見執不得而能資人膚容色澤業無形質能資於身亦復如是善業資者飲食衣服内外諸資豐饒美麗手足端正形容姝好屋宅華侈摩尼金銀衆寶盈積安寧快樂歡娛適意當知此

爲善業之相生於下賤邊地貧窮資用闕乏  
慚羨他樂飲食麤惡或不得食形容弊陋所  
止卑下當知此爲惡業之相猶如明鏡鑒面  
好醜鏡像無質取不可得如是識資善不善  
推四  
業生人天中或生地獄畜生等中大藥應當  
如是見業與識和合遷化大藥言世尊云何  
微識能持諸根能取大身佛言大藥譬如獵  
者入於山林持弓毒箭而射香象箭毒霑血  
毒運象身支體既廢根境同喪毒流要害身  
色青赤猶如淤血毒殺象已便即遷化於意

云何毒與象身多少大小可得比不大藥白  
佛言世尊毒與象身多少大小其量懸殊不  
可爲對猶如須彌比之芥子大藥如是識棄  
此身以取諸根棄此諸界隨業遷化亦復如  
是大藥復白佛言世尊云何微細之識任持  
大身而不疲倦佛言大藥須彌山王高八萬  
四千由旬難陀烏波難陀二大龍王各繞三  
市二龍大息搖振須彌內海中水咸變成毒  
此二龍王長大力壯和修吉龍德又迦龍二  
大龍王亦與之等於意云何四龍王識與蚊

蟻識寧有異不大藥言世尊四龍蚊蚋其識無異大藥如一小涕跋錯那婆入四龍口四龍便死於意云何小涕藥毒龍口中毒何毒爲大大藥白佛言龍口毒大小涕藥毒甚爲微少大藥大身衆生力敵九象微妙之識無色無形非分別量隨業任持亦復如是如尼瞿陀子極微細種之生樹婆娑廣大枝條千於意云何其子與樹大小類不大藥言世尊其子與樹大小相懸如藕絲孔比虛空界如是大藥樹於子中求不可得若不因子樹

推四

九

則不生微細尼瞿陀子能生大樹微細之識能生大身識中求身身不可得若除於識身則無有大藥復白佛言云何金剛堅固不可壞識止於危脆速朽身內佛言大藥譬如今人得如意寶以寶力故高宇彫樓妙麗宮室園林鬱茂華果敷榮象馬妓侍資用樂具自然而至其人於後失如意寶衆資樂具咸悉銷滅如意神寶堅固貞牢縱千金剛不能毀壞所生資用虛假無常速散速滅識亦如是堅固不壞所生之身速朽速滅大藥言世尊

柔妙之識云何穿入麤鞭色中佛言大藥水體至柔激流懸泉能穿山石於意云何水石之質鞭軟如何大藥言世尊石質堅鞭猶若金剛水質柔軟爲諸藥觸大藥識亦如是至妙至柔能穿剛鞭大身之色遷入受報大藥復白佛言世尊衆生捨身云何生諸天中乃至云何生於地獄等中佛言大藥衆生臨終之時福業資者棄本之視得天妙視以天妙視見六欲天及六趣見身搖動見天宮殿及歡喜園雜華園等又見諸天處蓮華殿麗

妓侍遠笑謔嬉戲衆華飾耳服憍奢耶臂印環釧種種莊嚴華常開敷衆具備設見天天女心便染戀歡喜適意姿顏舒悅面若蓮華視不錯亂鼻不虧曲口氣不臭目色明鮮如青蓮華身諸節際無有苦痛眼耳鼻口又無血出不失大小便利不毛驚孔現掌不死黃甲不青黑手足不亂亦不瘻縮好相顯現見虛空中有高大殿彩柱百千形麗列布垂諸鈴網和風吹拂清音悅美種種香華莊嚴寶殿諸天童子衆寶嚴身遊戲殿內見已歡喜

微笑齒現如君圖華目不張開亦不合閉語  
音和潤身不極冷亦不極熱親屬圍遠亦不  
憂苦日初出時當捨其壽所見明白無諸黑  
闇異香芬馥四方而至見佛尊儀歡喜敬重  
見已親愛歡喜離辭猶如撲行便即旋返安  
慰親知不令憂惱有流法爾生必當死勿以  
分別而生苦惱大藥善業之人臨命終時好  
樂布施種種伽他種種頌歎種種明白種種  
稱說正法之教如睡不睡安隱捨壽將舍壽  
時天父天母同止一座天母手中自然華出

天母見華顧謂天父甚爲福吉希奇勝果天  
今當知子慶之歡時將不久天母遂以兩手  
搖弄其華弄華之時命便終盡無相之識棄  
捨諸根持諸境業棄捨諸界持諸界事遷受  
異報猶如乘馬棄一乘一如日愛引光如木  
生火又如月影現澄清水識資善業遷受天  
報如脉風移速託華內天父天母同坐視之  
推四十一  
甘露欲風吹華七日寶璫嚴身曜動炫煥天  
童朗潔現天母手大藥白佛言世尊無形之  
識云何假因緣力而生有形云何有形止因

緣內佛言大藥如木和合相觸生火此火木中求不可得若除於木亦不得火因緣和合而生於火因緣不具火即不生木等之中尋火色相竟不可見然咸見火從木中出如是大藥識假父母因緣和合生有形身有形身中求識不得雖有形身亦無有識大藥如火未出火相不現亦無暖觸諸相皆無如是大藥若未有身識受想行皆悉不現大藥如見日輪光明照曜而諸凡夫不見日體是黑是白黃白黃赤皆不能知但以照熱光明出沒

環運諸作用事而知有日識亦如是以諸作用而知有識大藥白佛言云何爲識作用佛言大藥受覺想行思憂苦惱此爲識之作用復有善不善業薰習爲種作用顯識大藥白佛言云何識離於身便速受身識捨故身新身未受當爾之時識作何相佛言大藥如有丈夫長臂勇健著堅甲冑馬疾如風乘以入陣干戈既交心亂隊馬武藝捷習還即跳上敵怖懼乘馬退走識資善業見天父母同座

而坐速託生彼亦復如是大藥如汝所問識棄故身新身未受當爾之時識作何相大藥譬如人影現於水中無質可取手足面目及諸形狀與人不異體質事業影中皆無無冷無熱及與諸觸亦無疲乏肉段諸大無言聲身聲苦樂之聲識棄故身新身未受相亦如是大藥是資善業生諸天者大藥白佛言云何識生地獄佛言大藥行惡業者入於地獄汝當諦聽大藥此中衆生積不善根命終之時作如是念我今於此身死棄捨父母親知

推四

十二

所愛甚大憂苦見諸地獄及見已身應合入者見足在上頭倒向下又見一處地純是血見此血已心有味著緣味著心便生地獄腐敗惡水臭穢因力識託其中譬如糞穢臭處臭酪臭酒諸臭因力蟲生其中入地獄者託臭物生亦復如是賢護勝上童真合掌白佛言地獄衆生作何色相身復云何佛言大藥其愛血地生地獄者徧身血光身如血色生湯隍者身如黑雲生乳湯河者身點斑雜作種種色體極軟脆猶如貴樂嬰孩之身其身

長大過八肘量鬚髮身毛並長垂曳手足面  
目虧曲不全閻浮提人遙見便死大藥白佛  
言地獄衆生以何爲食佛言大藥地獄衆生  
食無少樂惶懼馳走遙見鎔銅赤汁意謂是  
血衆奔趣之又有聲呼諸有飢者可速來食  
第十四  
便走向彼至已而住以手承口獄卒以熱銅  
十三  
汁寫手掬中逼之令飲銅汁入腹骨節爆裂  
舉身火起大藥地獄衆生所食之物唯增苦  
痛無少安樂地獄衆生苦痛如是識不捨之  
亦不毀壞身如骨聚識止不離非業報盡苦

身不捨飢渴苦逼便見園林華果敷榮廣博  
翠茂見已喜笑互相謂言此園翠茂清風涼  
美衆急入園須臾楚樂樹葉華果咸成刀劍  
斬截罪者或中破身分爲兩段或大呴呼四  
面馳走獄卒群起執金剛棒或執鐵棒鐵斧  
鐵杖齧脣瞋怒身出火燄斫棒罪者遮不令  
出斯皆已業見如是事獄卒隨罪者後語罪  
者云汝何處去汝可住此勿復東西欲何逃  
竄今此園者汝業莊嚴可得離不如是大藥  
地獄衆生受種種苦七日而死還生地獄以

業力故如遊蜂採華還歸本處罪業衆生應入地獄初死之時見死使來繫項驅逼身心大苦入大黑闇如被劫賊執捉將去作如是言訶訶禍哉苦哉我今棄闇浮提種種愛好親屬知友入於地獄我今不見大路但見苦事如蠶作絲自縳取死我自作罪爲業纏縛縛索繫項牽曳驅逼將入地獄賢護罪業衆生生地獄者苦相如是爾時賢護與大藥王子聞說是已身驚毛豎俱起合掌作如是言我等今者俱歸依佛請垂救護願今以此聞

法功德未脫有流處生死輪不落三塗入於地獄賢護復白佛言欲有請問唯願聽許佛言如汝怖望恣汝所問賢護白佛言世尊云何爲積云何爲聚云何爲陰云何爲身不遷佛言賢護智界見界意界明界以此四界和合成身四境界識名之爲積聚謂六界六入六入境三界因二入因即髮鬚毛爪皮肉膿血涕唾黃痰脂肪髓液手足面目大小支節和合崇聚名之爲聚猶如穀豆麻麥積集聚貯而成高大謂之爲聚其地水火風空識名

爲六界眼耳鼻舌身意名爲六入色聲香味觸法名六入境即貪瞋癡名三界因又風黃痰亦名三因二入因者謂戒與信又有二因謂捨與施又有二因謂進與定又有二因謂善不善其受想行識此四名無色陰受謂領受苦樂等相及不苦不樂之相想謂知苦樂相行謂現念作意及觸識者是身之主徧行諸體身有所爲莫不由識不遷者謂身語意淨證獲道果此人死已識棄有陰不重受有不流諸趣極樂而遷不復重遷是名不遷於

是賢護與大藥王子禮佛雙足白言世尊佛一切智說此法聚當於未來作大利益安樂衆生佛言如來法聚常住非斷一切智者知而不爲我經無量勤苦積集智光今說此經此正法日爲諸衆生作大明照德譽普流一切智海爲能調心流注者說此經所在之處推四十五讀誦解說諸天鬼神阿脩羅摩睺羅伽咸悉擁護皆來拜禮水火王賊等怖皆不能害諸比丘從今已往於不信前勿說此經求經過者慎勿示之於尼乾子尼乾部衆諸外道中

亦勿說之不恭敬渴請亦勿爲說若違我教  
虧損法事此人則爲虧損如來諸比丘若有  
禮拜供養此經典者應當恭敬供養是人斯  
人則爲持如來藏爾時世尊而說偈言

**當勇超塵累 勤修佛正教 除滅死軍衆**

如象踐葦蘆 持法奉禁戒 專精勿虧怠  
以棄生流轉 盡諸苦有邊

佛說此經已賢護勝上童真大藥王子并諸比丘菩薩摩訶薩天人阿脩羅乾闥婆等普大會衆聞佛所說歡喜奉行

大乘顯識經卷下

音釋

永樂北藏

大乘顯識經

第二三冊

調切  
也戲  
瘦縮  
巨員切  
所六切  
足短縮  
也病也  
小切  
物也  
火爆  
巴校切  
裂也  
齧五  
也結  
乳漿各  
也切  
羈

舊

大